

增廣音註唐郢州刺史丁卯詩集

四



南亭與首八公讌集

秋來水上亭幾處似巖高戲鳥翻紅葉游龜帶綠萍管絃心戚戚羅綺鬢星星行樂非吾事西齋尚有螢



早發壽安次永壽渡

東西車馬塵鞞洛與咸秦山月夜行客水煙朝渡人樹涼風浩浩灘淺石磷磷會待功名就扁舟寄此身

泊松江渡

漠漠故宮地月涼風露幽

一作雲木幽

雞鳴荒戍曉

一作

明鴈過古城秋楊柳北歸路蒹葭南渡舟去鄉今已遠更上望京樓

送魚思別處士歸有懷

讌罷眾賓散長歌攜一枝溪亭相送遠山郭獨歸遲風檻夕雲散月軒寒露滋病來雙鬢白不是舊離時

重經姑蘇懷古二首

越兵驅綺羅越女唱胡歌宮盡燕聲少臺荒麋跡多茱萸垂曉露函首落秋波無復君王醉滿城顰翠蛾

香逕遶吳宮千帆落照中  
鶴鳴山欲雨魚躍海多風  
城帶晚莎綠池連秋蓼  
紅當年國門外誰識伍  
真忠識一作信

將赴京師留題孫處士山居二首

草堂近西郭遙對敬亭開  
枕膩海雲起簾涼山雨  
來高歌懷地肺遠賦憶天台  
應學相如志終須駟馬回

西巖有高興路僻幾人知一作有誰知松蔭花開晚一作

少山寒酒熟遲游從隨野鶴  
休息遇靈龜長見鄰翁說  
容華似舊時

下第寓居崇聖寺感事

懷玉一作泣京華舊山歸路賒  
靜依禪客院幽學野人家  
林晚鳥爭樹園春蝶護花  
東門有閑地誰種邵平瓜

晚發天井關寄李師晦

山在水滔滔流年欲惜一作惜二毛  
湘潭歸夢遠燕趙客程勞  
露曉紅蘭重雲晴碧樹  
高逢秋正多感萬里別同袍

喜遠書

端居換時節離恨隔龍瀧  
苔色上春閣柳陰移晚

窻寄懷因桂水流淚極楓江此日南來使金盤魚

鯉一作雙

### 懷江南同志

南國別經年雲晴波接天蒲深鷓鴣戲花暖鷓鴣  
眠竹暗湘妃廟楓陰楚客船唯應洞庭月萬里共  
娟娟

### 洛中秋日

故國無歸處官閑憶遠遊吳僧秣陵寺楚客洞庭  
舟久病先知雨長貧早覺秋壯心能幾許伊水更  
東流

### 將赴京師蒜山津送客還荆渚

樽前萬里愁楚塞與皇州雲識瀟湘雨風知鄴杜  
秋潮平猶倚棹月上更登樓他日滄浪水漁歌對  
白頭猶一作仍

### 潼關蘭若

來往幾經過前軒枕大河遠帆春水闊高寺夕陽  
多蝶影下紅藥烏聲喧綠蘿故山歸未得徒詠採  
芝薇一作歌

### 翫殘雪寄河南尹劉大夫

艷陽無處避皎潔不成容素質添瑤水清光散玉

峯眠鷗猶戀草樓鶴未離松聞在金鑾臺

一作

群

仙對九重

陪越中使院諸公鏡波館餞明台裴鄭二使君  
傾幕來華館淹留二使君舞移清夜月歌斷碧空  
雲海郡樓臺接江船劔戟分明時自蹇翁無復歎  
離群

春泊弋陽

江行春欲半孤枕弋陽堤雲暗猶飄雪潮寒未應  
溪飲後聞棹散飛鳥背船低此路成幽絕家山鞏  
洛西

晨別脩然上人

吳僧誦經罷取衲倚蒲團鐘韻花猶斂樓陰月向  
殘晴山開殿響秋水卷簾寒獨恨孤舟去千灘復  
萬難

送客江行

蕭蕭蘆葦花郢客獨辭家遠棹依山響危橋轉浦  
斜水寒澄淺石潮落漲虛沙莫與征徒望鄉園去  
漸賒

將歸塗口宿鬱林寺道玄上人院二首

西巖一磬長僧起樹蒼吳君開殿洒寒水誦經焚晚

香竹風雲斷散杉露月猶光無復重來此歸舟凌  
夕陽

春尋採葉翁歸路宿禪宮雲起客眠處月殘僧定  
中藤花深洞水榭作葉滿山風清境不能住朝  
朝慙遠公

題宣州元處士幽居

潺湲遶門水未省濯纓塵鳥散千巖曙蜂來一逕  
春杉松還待客芝朮不求人寧學璫溪叟逢時罷  
隱論

送李秀才

南樓送郢客西郭見荆門鳧鷖下寒渚牛羊歸遠  
村蘭舟倚行棹桂酒掩餘樽重此一留宿前村煙  
水昏

題倪處士舊居

儒翁九十餘舊向此山居生寄一壺酒死留千卷  
書檻摧新竹少池淺故蓮疎但有子孫在帶經還  
荷鋤一作自鋤

贈梁將軍

曾經黑山虜一劒出重圍年長窮書意時清隱釣  
磯一作戰機高齋雲外住瘦馬月中歸唯說鄉心苦春

風鴈北飛

春望思舊游

適意

一作何處

極春日南臺披薜蘿花光晴漾漾山色

畫峨峨湘水

一作者

美人遠信

一作漢

陵豪客多唯憑

一瓢酒彈瑟縱高歌

病中二首

三年嬰

一作持

酒渴高臥似袁安秋色鬢應改夜涼

心已寬風衣藤簾滑露井竹牀寒臥憶郊扉月恩

深未掛冠

私欲

一作

歸人暫適

一作靜

扶杖遶西林風急柳溪響

露寒莎徑深一身仍白髮萬慮只丹心此意無言

處高窻託素琴

姑孰官舍寄汝洛友人

官靜亦無能平生少面朋務閑

一作閑

唯印吏公退

只棊僧藥鼎初寒火書龕欲夜燈安知北溟水終

日送搏鵬

恩德寺

樓臺橫復重猶有半巖空羅洞淺深水竹廊高下

風晴山踈雨後秋樹

一作磬

斷雲中未盡平生意孤

帆又向東



天竺寺題葛洪井

羽客鍊丹井井留一作存人已無舊泉清石下餘一作

移一作翠碧山隅雲朗鏡開匣月寒冰在壺仍聞釀仙

春一作酒此水一作味過瓊醪

朗上人院晨坐

簾涼襟袖清日沒尚殘星山果落秋院水花開曉

庭踈藤風嫋嫋圓桂露露真真正憶江南寺巖齋聞

誦經

送客歸湘楚

無辭一杯酒昔日與君深秋色換歸鬢曙光生別

心桂花山廟冷楓樹水樓陰此路千餘里應勞楚

客吟

過故友舊居

往年公子宅夜宴樂難忘高竹動踈翠早蓮一作荷

飄暗香珠一作凝寶瑟綺席逝華觴一本作門人曰

觴今日皆何處閉門春草長一作荒

送客歸峽中

津亭多別離楊柳半無一作枯枝住接接啼處行逢

鴈過時江風颺帆急山月下樓遲還就西齋宿煙

波勞夢一作所思

題冲沼上人院

斲石種松一作杉子數根一作株侵香冥天寒猶講律

雨暗尚尋經小殿燈千盞深爐水一瓶碧雲多別

思休到望溪一作江亭一作斲尚一作亦

和畢負外雪中見寄

仙署掩清景雪華松桂陰夜凌瑤席宴春寄玉京

吟燭晃垂羅幙香寒重繡衾相思不相訪煙月刻

溪深

春醉

酒釀花一樹何暇卓文君客坐長先飲公閑半已

曛水鄉春足兩山郭夜多雲何以參禪理榮枯盡

不聞

題岫上人院

病客與僧閑頻來不掩關高窻雲外樹疎磬雨中

山離索秋蟲響登臨夕鳥還心知落帆處明月澗

河灣

送客南歸有懷

綠水暖青蘋湘潭萬里春瓦樽迎海客銅鼓賽江

神避雨松一作歸楓岸看雲揚一作添柳津長安一杯

酒座上有歸人

李生棄官入道因寄

西一作千巖一徑通一作千岩路不窮知學一作訪採芝翁寒

暑丹心外光陰白髮中水深魚避釣雲迥鶴辭籠  
坐想還家日人非井邑空

長興里夏日南隣避暑

侯家一作門大道傍蟬噪樹蒼蒼開鑊洞門遠下簾

賓一作高館涼欄圍紅葉盛架引綠蘿長永日一歌  
枕故山雲水一作外鄉

送韓校書

恨與前歡隔愁因此會同跡高兰閣吏名散雪樓

翁城閉三秋雨帆飛一夜風酒醒鱸膾美應在竟  
陵東

秋晚登城

城高不可下永日一登臨曲檻涼飈急空樓返照  
深葦花迷夕棹梧葉散秋砧謾作歸田賦蹉跎歲  
欲陰

江西鄭常侍赴鎮之日有寄因酬和

來暮亦何愁金貂在鷁舟旆隨寒浪動帆帶夕陽  
收布令滕王閣裁詩郢客樓即應歸鳳沼中外贊  
天休

家河南劉大夫見示與吏部張公喜雪酬

唱輒敢攀和

風度龍山暗雲凝象闕陰瑞花瓊樹合仙草下苗  
深欲醉梁王酒先調楚客琴即應携羊去將此助  
商霖

下第送宋秀才游岐下揚秀才還江東

年來不自得一望幾傷心風轉蕙蘭色月移松桂

陰馬隨

一作

邊草遠帆落海雲深明日各分首

一作

從此无鄉別

更聽梁甫吟

南亭偶題

齊詩云

三十五

城下水滌迴潮衝野艇來鳥驚山果落龜泛綠萍  
開白首書千卷朱顏酒一杯南軒自流涕不是望  
燕臺

與裴秀才自越西歸阻凍登丘山寺

春草越吳間心期旦夕還酒鄉逢客病詩境遇僧  
閑倚棹冰生浦登樓雪滿山東風不可待歸鬢蒼  
待一作班班

太和初靖恭里感事

後有聞宋相公申錫下世一篇辭旨畧同但七言少異耳

清湘弔屈原垂淚擷擷繁訪起乘軒鶴幾沉在檻

猿乾坤三事貴華夏一夫寬寧有唐虞世心知不  
爲言

與侯春時同年南池夜話

蘆葦暮脩脩谿禽上釣舟露涼花斂夕風靜竹含  
秋素志應難契清言豈易求相歡一瓢酒明日醉  
西樓

廣陵送剡縣薛明府赴任

車馬楚城壕清歌送濁醪露花羞別淚煙草讓歸  
袍鳥浴春塘暖猿吟暮嶺高尋仙在仙骨不用廢  
牛刀

游果晝二僧院

可必老林泉真心便是禪講時開院去齋後下簾  
眠鏡朗燈分焰香銷印絕煙真乘不可到雲盡月  
明天

題官舍

燕鴈水鄉飛京華信自稀簞瓢貧守道書劍病忘  
機鼙鼓吏初散繁一作鐘鳥獨歸高梧與一作柳  
風雨似郊扉

酬報先上人登樓見寄上人自峽不來

丹葉下西樓知君萬里愁鐘非黔峽寺帆是敬亭

舟山色和雲暮湖光共月秋天台多道侶何惜更南游

曉過鬱林寺戲呈李明府

身閑白日長何處不尋芳山崦登樓寺谿灣泊晚航一作洞花蜂聚蜜岩栢麝留香若拍求仙路劉郎學院郎

泛舟尋鬱林寺道玄上人遇雨而返因寄

禪扉倚石梯雲濕雨淒淒草色分松逕泉聲咽一作稻畦棹移灘鳥沒鍾斷嶺猿啼入夜花如雪廻舟憶剡溪

鬱林寺

臺殿冠差我春來日日過水分諸院少雲近上方多衆籟凝絲竹繁英耀綺羅酒酣詩自逸乘月棹寒波

題崇聖寺寺即故宮也

西林本行殿池榭日坡陀雨過水初漲雲開山漸多曉街垂御柳秋院閉宮莎借問龍歸處鼎湖空碧波

贈高處士

宅前雲水滿高興一書生垂釣有深意望山多遠

情夜棋留客宿春酒勸僧傾未作干時計何人問  
姓名

### 送僧歸金山寺

老歸江上寺不忘

去聲

舊師恩駐錫逢山色停杯

一作

見浪痕秋濤吞楚驛曉月上荆門為訪題詩處

莓苔幾字存

### 金谷桃花

花在舞樓空年年依舊紅  
淚光停曉露愁態倚春風  
開處妾先死落時君亦終  
東流三雨片應在

一作

到夜泉中

### 憶長洲

香徑小船通菱歌遠  
故宮魚沉秋水靜  
鳥宿暮山空  
荷葉橋邊雨  
蘆花海上風  
歸心無處託  
高枕盡  
屏中

### 再寄殷堯藩秀才

直道知難用經年向水濱  
宅從栽竹貴家為買書  
貧就學多新一作各客登朝盡  
故人蓬萊自有路莫

羨武陵春

### 題鄒處士隱居

桑柘滿江村西齋對海門  
浪衝高岸響潮入小池

渾岳樹蔭棊局山花落酒樽相逢亦一作相留宿  
還似識王孫

送僧歸敬亭山寺

十年劔中路傳盡本師經曉月下黔峽秋風歸敬  
亭開門新樹綠登閣舊山青遙想論禪處松陰水  
一瓶

新卜原上居寄袁校書

貧居樂游北江海思迢迢雪夜書千卷花時酒一  
瓢獨愁秦樹老孤夢楚山遙有路應相念風塵滿  
黑貂

天街曉望

明一作曉星低未央蓮闕迥蒼蒼疊鼓催殘月踈鐘  
迎早霜闕防浮瑞氣宮館耀神光再拜為君壽南  
山高且長

江上喜洛中親友繼至

戰馬昔紛紛一作雨風驚嵩少塵全家南渡遠舊

友北來頻罷酒松筠晚賦詩楊柳一作蘭杜春誰言今

夜月同是洛陽人誰一作何

下第歸朱方寄劉三復

素衣京洛塵歸棹過南津故里跡猶在舊交心更



親月高蕭寺夜風暖庾樓春詩酒應無暇朝朝問  
旅人

送客歸兵興

綠水棹雲月洞庭歸路長春橋懸酒幔一作夜柵  
集茶檣箬葉沉谿暖蘋花遶郭香應逢柳太守爲  
說過瀟湘

月夜期友人不至

坐待故人宿月華清興秋管絃誰處醉池館此時  
愁風過渚蒲動露禽山桂幽孤吟不可一作曙昨  
夜共登樓

白馬寺不出院僧

禪心空已寂世路任多岐到院客長見閉關人不  
知寺喧聽講絕厨遠送齋遲牆外洛陽道東西無  
盡時

寄袁都校書

擾擾換時節舊山琪樹陰猶垂青漢志方一作空負  
白雲心廣陌埃塵遠重門管吹深勞歌極西望芸  
省有知音

贈柳璟馮陶二校書

霄漢雨飛鳴喧喧動禁城桂堂同日盛雲閣間年

榮香掩蕙蘭氣韻高鸞鶴聲應憐茂陵客未有子  
虛名

王秀才自越見訪不遇題詩而廻因以酬  
寄

南齋知數宿半爲木蘭開晴閣留詩遍春帆載酒  
回煙深揚子宅雲斷越王臺自有孤舟興無妨更  
一來

秋霽潼關驛亭

霽色明高巘關河獨望遙殘雲歸太華踈雨過中  
條鳥散綠蘿靜蟬稀紅樹凋何言此時節去去任  
蓬飄

送客歸蘭溪

婺州屬邑

花下送歸客路長應過秋暮隨江鳥宿寒共嶺猿  
愁衆水喧巖瀨群峯抱沈樓因君幾南望曾向此  
中遊

貽終南山隱者

中巖多少隱提榼抱琴遊潭冷薜蘿晚山香松桂  
秋瓢閑高樹掛杯急曲池流獨有迷津客東西南  
北愁

送李文明下第鄜州覲兄

征夫天一涯醉贈別君詩鴈迥參差遠龍多次第  
遲審歌還夜苦宋賦更秋悲的的遙相待清風白  
露時

送段覺歸東陽兼寄竇使君

東陽婺州屬邑

山水引歸路陸郎從此詣私茶垂露細寒橘帶霜  
甘臺倚烏龍嶺樓侵白鴈潭沈公如借問心斷淅  
河南烏龍嶺白鴈潭地名在嚴州沈約曾守婺以

此竇使君宅

韶州送竇司直出嶺

一本出嶺作此歸

江曲山如畫貪程亦駐舟果隨巖穴落槎帶水禽

流客散他鄉夜人歸故國秋樽前挂帆去風雨下

一作

西樓

猶音袖鼠屬善旒

傷馮秀才

旅葬不可問茫茫西隴頭水雲

一作煙

青草濕山月

白楊愁

一作秋

琴信有詩罷劒傷無處留淮南舊煙

月孤棹更逢秋

一作淮南今夜月孤棹倚西樓

送鄭寂上人南行

儒家有釋子年少學支公心出是非外跡辭榮辱  
中錫寒秦嶺月杯急楚江風難怨故園思小秋梨

葉紅

贈王處士

歸卧養天真鹿裘烏角巾茂陵閑久病彭澤醉長  
貧冠蓋西園夜笙歌北里春誰憐清渭曲上一作又  
老釣魚人

送友人歸荆楚

調瑟勸離酒苦詣荆楚門竹斑悲帝女草綠怨王  
孫潮落九疑迫雨連三峽昏同來不同去迢迢更  
傷鳧九疑山名

五言

絕句

長安早春

雲月有歸處故山清洛南秦城一花發春夢遍一作

蒲江潭

塞下

夜戰桑乾北一作雪秦兵半不歸朝來有鄉信猶自

寄征衣

思天台

赤城雲雪深山客負歸心昨夜西齋宿月明琪樹  
陰

聞歌

新秋弦管清時轉過雲聲曲盡不知處月高風滿

城

雨後憶湖山居

前山風雨涼歇馬坐垂楊何處芙蓉落南渠秋水  
香

散體詩

五言

八韻一首

寄郴州李相公

高樓王與謝逸韻比南金不遇銷憂日埃塵誰復  
尋曠懷澹得喪失意縱登臨彩檻浮雲迥綺窻明  
月深虬龍壓滄海鷺鸞思鄧林青雲傷國器白髮  
軫鄉心功高恩自治道直謗徒侵應笑靈均恨江  
畔獨行吟

增廣音註唐郢州刺史丁卯集

下卷



增廣續刊唐許邳州丁卯詩集目錄

續集

刺史許渾用海

遺篇



五言

奉命和後池十韻 卜居招書侶

西山草堂 贈隱者

寄天竺僧無畫 寄小弟

秋日 征西舊卒

石池 贈裴處士

貽遷客 留題李侍御書齋

寄河南王侍御 重哭楊攀處士

紫藤 宿東橫小瀨

松江懷古 看雪 暝投靈智寺渡溪

下第歸浦城野居 重賦鷺鷥

途中寒食 探春 歲首懷甘露寺

江上燕別 崇聖寺送各南歸

七言

西河送客歸江南 東陵赴京道

聞開江末相公 贈所知

謝人贈鞭 殘雪

早秋寄劉向書 及第後春情

歸長安

七言絕句

夜泊松江渡寄友人  
寄雲際寺敬上人  
宿威宜觀  
陳宮怨  
記夢并序  
客有卜居不遂  
謝亭送客

拾遺

五言

尋周鍊師不遇留贈  
旅夜懷遠客  
臥病寄諸公  
崇聖寺懷李校書  
酬殷堯藩秀才  
山居喜魏扶見訪  
晚投慈恩寺  
送荔浦將明府赴任  
題霸西駱隱居  
秋夜訪李隱居  
苦雨  
秋日行次關西  
旅中別姪暉  
贈李翊秀才見訪  
虎頭巖酬路中丞

七言

傷李秀才  
臥疾

續補

五言律 一十首

過鮑溶宅有感  
秋夕有懷  
聞范秀才遊江湖  
懷政禪師院  
秋霽寄遠  
惜春

題怨

鴛鴦

聞雁

不寢

七言律

二十首

經古行宮

秋晚懷石涵村舍

貴遊

贈別

秋夜與友人宿

將赴京留贈僧院

寄湘中友人

江上逢友人

金谷懷古

南樓夜

途中逢故人

行經廬山東林寺

懷別五館水亭

題陵陽王氏水居

送別

寄遠

新柳

旅懷作

青詩續目

三

雁

出關

七言絕句

蟬

紫藤

越中

送楊發東歸

重別曾主簿

增廣續刊唐許鄞州丁卯詩集目錄

續集





增廣許鄧州丁卯詩續集



刺史許渾用晦

遺篇



五言

十韻一首 律二十四首 絕句二首

奉命和後池十韻

疊石通溪水量波失舊規芳洲還屈曲朱閣更逶迤  
浴鳥翻荷葉驚蟬出柳絲翠煙秋檜聳紅露曉蓮披  
攀檻登樓近停撓待客遲野橋從浪沒輕舸信風移  
竹韻遷碁局松陰迤酒卮性閑鷗自識心遠鶴先知

應想秦人會休懷越相祠當期穆天子蕭鼓宴瑤池

卜居招書侶

憶昨未知道臨川每羨魚世途行處見人事病來踈  
微雨秋栽竹孤燈夜讀書憐居亦同志晚歲傍山居

憶昨一作意壯

西山草堂

何處少人事西山舊草堂曬書秋日晚洗藥石泉香  
浚嶺有朝雨北牕生夜涼徒勞問歸路峯疊遶家鄉

贈隱者

回報隱居

一作名

士莫愁山興闌求人顏色尽知道性

情寬信譜彈琴誤綠

一作

崖斲藥難東臯亦自給殊媿

遠相安

舟次武林許天竺僧無書

谿長山幾重十里萬株松秋日下丹檻暮雲歸碧峰  
樹栖新放鶴潭隱舊降龍還在孤舟宿卧聞初夜鍾

寄小弟

江城紅葉盡旅思復悽傷孤夢家山遠獨眠秋夜長  
道存空倚命身賤未歸鄉南望空垂淚天邊鴈一行

秋日

有計自安業秋風罷苦吟買山兼種竹對客更彈琴  
煙起藥園晚杵聲松院深閑眠得真性惆悵舊時心

征西舊卒

少年乘勇氣百戰過烏孫力盡邊城難功添上將恩  
曉月聽戍角殘月倚營門自說輕生處金瘡有舊痕

牛舟集卷之四

二

石池

通竹引泉脉泓澄漱石盆驚魚翻藻葉浴鳥上松根  
殘月留一作斜山影高風耗水痕誰家秋洗洗藥來

往自開一作開門

贈裴處士

為儒白髮生鄉里早聞名暖酒雪初下讀書山未一作  
欲明字形翻鳥跡詩調合後聲門外滄浪水知君欲

濯纓

贈遷客

無機還得罪直道不傷情微雨昏山色疎籠閉鶴聲  
閑居多野客高枕見江城門外長溪水憐君又濯纓

留題李侍御書齋

曾話平生志高齋留見留道孤心易感恩重力難酬  
獨立千峯曉頻來一葉秋雞鳴應有處不覺淚空流  
一作潛流

行次白沙館先寄上河南王侍御

夜程何處宿山疊樹層層孤館閉秋雨空堂停曙燈  
歌歎漁浦客詩李鴈門僧此意一作去無人識明朝見  
李膺侍御嘗任河南少尹

重哭楊攀處士二首自號綠雲公翁

綠雲多李古黃髮竟無成兩縱山中性詩留海世一作  
上名讀書新樹老一作未垂釣舊磯平今日悲前事西  
風哭一聲一作聞哭声

從官任直道幾處脫長裾歿後兒猶小葬來人漸踈

鄰家一作公翁占池館門一作長吏覓圖書身賤難相報平

生恨有餘一作无復前秋事空工齋賦子虛

紫藤

綠蘿紫數匝本在草堂間秋色寄高樹晝陰籠遠一作

舊山移花踈處種斲藥困時攀日暮微風起難尋舊

徑路一作還

宿東橫小瀨

孤舟路漸賒時見碧桃花溪雨難聲急岩風樹勢斜  
獼猴懸弱蔓鷓鴣睡橫槎謾向仙林宿無人識阮家  
松江懷古

故國今何在扁舟竟不歸雲移山漠漠江闊樹依依  
晚色千帆落秋聲一鴈飛此時兼送客凭檻欲沾衣

暝投靈智寺渡溪不得却取泂江路往

雙岩瀉一川回馬斷橋前古廟陰風地寒鍾暮雨天  
沙虛留虎跡水滑帶龍涎却下臨江路潮深無渡船

下第歸蒲城野居

失意歸三徑傷春別九門薄煙楊柳路微雨杏花村  
牧豎還呼犢隣翁亦抱孫不知余正苦迎馬問寒溫

重賦鷺鷥

何年去此地一作如何南浦滿竟離雲漢知心遠林  
塘竟思孤低飛下晚樹獨睡一作宿映新蒲為尔多歸

興前年在別一作五湖

途中寒食

處處哭聲悲行人馬亦遲店閑無火日村暖斫桑時

泣路同揚子燒山憶子推清明明日是甘貧故園期

深春 此下二首或作趙嘏詩

故里千帆一作山外深春一馬飛千名頻慟哭一作身堪自

哭將老欲何歸未殺拋還憶交親晚更一作見稀空持

一作餘望鄉淚沾灑寄來衣

歲首懷甘露寺自省上人 上人嘗有戰功

心悟覺身勞雲中弃宝刀久閑生腔肉多壽長眉毫  
客棹春潮急禪一作暮高南霽一回回首山碧水滔滔

寓居崇聖寺送客南歸

野寺薜蘿晚官渠楊柳春歸心已無限更送洞庭人

**七言**

律一十首 絕句七首

西河送客歸江南

西河陳事已堪傷南客秋歸路更長  
臺畔偃松悲魏帝苑邊脩竹平  
梁王兩行露變茱萸色水宿風搖菡  
萼香遙羨落帆逢舊友綠蛾青鬢醉橫塘

東陵赴京道病東歸寓居開元寺寄廬負外

宋魏二先輩

西風吹雨鴈初時病寄僧齋罷獻書  
萬里咸秦勞我馬四隣松桂憶吾廬  
滄洲有釣心還靜青漢無媒跡自踈  
不是醉眠愁不散莫言琴酒孝相如

聞開江宋相公申錫下世二首

權門陰奏奪移才而逸切騎如星墮峽來鼉氏有  
恩忠作禍賈生無罪直為災貞魂誤向崇山歿冤氣

疑從汨水回畢竟功成何處是五湖雲月一帆開

湘本作

月落湘潭棹不喧玉杯瑤瑟莫蘋蘩誰能力制乘時  
鶴自取機沉在檻猿位極乾坤三事貴謗與華夏一  
夫冤宵衣旰食明天子日伏青蒲不敢言

此一首右  
下卷五言

贈所知

因釣鱸魚住制河挂帆千里亦相過茅簷夜醉平堦  
月蘭棹春歸拍岸波湖日似陰鼉鼓響海雲纒起蜃  
樓多明時又作閑居賦誰薦東門策四科

謝人贈鞭

蜀國名鞭見惠稀駑駘從此長光輝獨根擁腫來雲

岫紫陌提携在繡衣幾度拂花香裏過也曾敲鞞月中歸莫言三尺長無用十萬軍中要指揮

殘雪

憶昨新春霰雪飛堦前簷上闌寒姿狂風送在竹深處隔日未銷花發時輕壓嫩蔬旁出土冷衝幽鳥別尋枝晚來又喜登樓見一曲高歌和者誰

早秋寄劉尚書

天生心識富人侯將相門中第一流旗纛早開擒虎帳戈鋌初發斬鯨舟柳營書號海山暝菌音窘香菌閣賦詩江樹秋昨夜雨涼今夜月笙歌應醉最高樓及第後春情

世間得意是春風散誕經過觸處通細搖柳臉音檢

香并遠香和信

六

眼臉也牽長帶慢撼桃株舞碎紅也從吹幌驚殘夢

何處飄香別故叢猶以西都名下客今年一月始相逢

歸長安

三年何處淚沈瀾白帝城邊曉角殘非是無心戀巫峽自緣臂到長安黔江水暖還曾飲楚岫雲深未識寒大抵莫教聞雨後此時腸斷不應難

七言絕句

夜泊松江渡寄友人

清露白雲明月天與君齊棹木蘭船南湖風雨一相失夜泊橫塘心渺然

記夢并序

余嘗夢登山有宮室凌雲人云此崑崙也見數人

方欲招之至暮而罷因賦是詩以記焉

曉入瑤臺露氣清座中唯有許飛瓊塵心未盡俗緣  
在十里下山空月明

寄雲際寺故上人

萬山秋雨水滎迴紅葉多從紫閣來雲冷竹齋禪衲  
薄已應飛錫入天台

客有卜居不遂薄遊汧隴因題

海燕西飛白日斜天門遙望五侯家樓臺深鎖無人  
到落盡東風第一花

宿威宜觀一本作威宜觀

羽袖飄飄香夜風翠幢歸殿玉壇空步虛聲盡天未  
曉雲壓桃花月滿宮香一作香未一作將

漢書卷

十一

謝亭送客

勞歌一曲解行舟紅樹青山水急流日暮酒醒人已  
遠滿天風雨下西樓

陳宮怨

風暖江頭一作城白日遲昔人遺事後人悲草生宮闕  
國無主玉樹後庭花為誰

已上五言七言共計四十四首



增廣許鄧州丁卯詩遺篇續集

終



許郢州詩續集

建安集氏刊

拾遺

五言

律詩一十六首

尋周鍊師不遇留贈

閉門池館靜云訪紫芝翁零落槿花雨參差荷葉風  
夜甚全局在春酒半壺空長嘯倚西閣收彼彼名利中

題灞西駱隱居 第二一篇

志凌三蜀客心愛五湖人棄死酒中老謀生書外  
貧掃花眠石榻擣藥轉溪輪往往乘黃犢鹿裘烏  
角巾

旅夜懷遠客

異鄉多遠情夢斷落江城病起慙書癖貧家負酒  
名過春花自落竟曉月空明獨此一長嘯故人天  
際行

秋夜權舟訪李隱居

望月憶披襟長溪柳半陰高齋初釀酒孤棹遠携  
琴犬吠秋山迥雞鳴曉樹深開門更歌枕誰識野  
人心

南陵留別段氏兄弟

不知身老大猶似舊時狂為酒遊山縣留詩過  
草堂歸期春未盡離恨日偏長更羨君兄弟參差鴈  
一行

卧病寄諸公





飛蓋集蘭堂清歌迤拓觴高城榆柳陰虛閣菱荷香  
海月秋偏靜山風夜更涼自憐書萬卷扶病對螢光  
苦雨

山昏天半晴南陌絕人行葭莢連雲色杉松共雨聲  
早秋仍燕舞深夜更蠶鳴爲報迷津客訛言未可輕  
寓崇聖寺懷李校書

幾日卧南亭卷簾秋月清河關初罷夢池閣更含情  
寒露潤金井高風飄玉箏前年共游客刀筆事戎旌  
秋日行次關西

金風蕩天地關西群木凋早霜雞唳唳殘月馬蕭蕭  
紫陌秦山近青楓楚樹遙還同長卿志題字滿河橋  
酬殷堯藩秀才

相如愧許詢寥落向溪濱竹馬兒猶小荆釵婦慣貧  
獨愁憂過日多病不如人莫怪青袍選長安隱舊春  
旅中別姪暉

相見又南北中宵淚滿襟旅遊知世薄貧別覺情深  
歌管一樽酒山川萬里心此身多在路休誦異鄉吟  
山居冬夜喜魏扶見訪因贈

霜風露葉下遠思獨徘徊夜久草堂靜月明山客來  
遣貧相勸酒憶字共書交阿事清平出干名待有媒  
喜李詡秀才見訪因贈

浙南分首日誰謂別經時路遠遙相訪家貧喜見知  
不須辭小酌更請續新詩但得心中劍酬恩會有期  
晚投慈恩寺呈俊上人

雙石瀉一川十里絕人煙古廟陰風地寒鍾暮雨天  
沙虛留虎跡水滑帶龍涎不及曹溪侶空林已夜禪  
此一首与下卷願投靈智寺詩一首但首尾句畧異耳

行次虎頭岩酬寄路中丞

樟亭去已遠來上虎頭岩灘急水移棹山回風滿帆  
石梯迎雨滑沙井落潮鹹何以慰行旅如公書一緘

送荔浦蔣明府赴任

路長春欲盡歌然酒初酣白社蓮宮北青袍桂水南  
驛行盤鳥道船宿避龍潭真得詩人趣煙霞更與諳  
送從兄歸隱藍溪 第二篇已見下卷

已上五言律共一十六首

七言

傷李秀才

曾醉笙歌日正暹醉中相送易前期摘花滿地人亡  
後菰葉連天鴈一作客過時琴倚舊窻鹿漠漠劍橫新  
塚草籬之河橋酒熟平生事更向東流奠一卮

卧疾

寒窻燈盡月斜暉珮馬朝天獨掩扉清露已凋秦塞  
柳白雲空長越山薇病中送客難為別夢裏還家不  
當歸唯有舊書書未得卧聞燕鴈向南飛

增廣許郢州丁卯詩拾遺

終



續集  
十一  
過鮑溶宅有感

寥落故人宅重來身已亡古苔殘墨沼深竹舊書堂  
秋色池館靜雨聲雲木涼無因展交道日暮倍心傷  
懷政禪師院

山齋路幾層敗衲學真乘寒暑移雙樹光陰盡一燈  
風飄高竹雪泉漲小池冰莫訝頻來此修身欲到僧  
秋夕有懷

念遠坐西閣華池涵月涼書回秋欲盡酒醒夜初長  
露白蓮衣淺風清蕙帶香前年此佳景蘭棹醉橫塘  
秋霽寄遠

初霽獨登賞西樓多遠風橫煙秋水上疎雨夕陽中  
高樹下山鳥平蕪飛草蟲唯應待明月千里與君同



聞范秀才自蜀遊江湖

蜀道下湘渚客帆應不迷江分三峽響山並九華齊  
秋泊雁初宿夜吟猿乍啼歸時慎行李莫到石城西

惜春

花開又花落時節暗中遷無計延春日可能留少年  
小藜初散蝶高柳卽聞蟬繁豔歸何處滿山啼杜鵑

題愁

聚散竟無形迴腸自結成古今消不得離別覺潛生  
降虜將軍思窮秋遠客情何人更憔悴落第泣秦京  
鴛鴦

兩兩戲沙汀長疑畫不成錦機爭織樣歌曲愛呼名  
好育顧栖息堪憐泛淺清鳧鷗皆爾類唯羨獨含情

續集

三

聞雁

帶霜南去雁夜好宿汀沙驚起向何處高飛極海涯  
人雲聲漸遠離岳路猶賒歸夢當時斷參差欲到家  
不寢

到曉不成夢思量堪白頭多無百年命長有萬般愁  
世事應難盡營生卒未休莫言名與利名利是身讎

七言

律二十首

經古行宮

臺閣參差倚太陽年年花發滿山香重門勘鎖青春  
晚深院垂簾白日長草色芊綿侵御路泉聲嗚咽繞  
宮牆先皇一去無迴駕紅粉雲鬟空斷腸

秋晚懷茅山石涵村舍

十畝山田近石涵村居風俗舊曾諧簾前白艾驚春  
燕籬上青桑待晚蠶雲暖採茶來嶺北月明沽酒過  
溪南陵陽秋盡多歸思紅樹蕭蕭覆碧潭

貴遊

朝回珮馬早淒淒年少恩深衛霍齊斧鉞舊威龍塞  
北池臺新賜鳳城西門通碧樹開金鎖樓對青山倚  
玉梯南陌行人盡回首笙歌一曲暮雲低

贈別

眼前迎送不曾休相續輪蹄似水流門外若無南北  
路人間應免別離愁蘇秦六印歸何日潘岳雙毛去  
值秋莫怪分襟銜淚語十年耕釣憶滄洲

秋夜與友人宿

楚國同遊過十霜萬重心事幾堪傷蒹葭露白蓮塘  
淺砧杵夜清河漢涼雲外山川歸夢遠天涯岐路客  
愁長寒城欲曉聞吹笛猶卧東軒月滿牀

將赴京留贈僧院

九衢塵土遞追攀馬跡軒車日暮間玄髮盡驚爲客  
換白頭曾見幾人閑空悲浮世雲無定多感流年水  
不還謝卻從前受恩地歸來依止叩禪關

寄湘中友人

莫戀醉鄉迷酒盃流年長怕老年催西陵水闊魚難  
到南國路遙書未回匹馬計程愁日盡一蟬何事引  
秋來相如已定題橋志江上無由夢釣臺

江上逢友人

故國歸人酒一盃暫停蘭棹共徘徊村連三泐暮雲  
起潮送九江寒雨來已作相如投賦計還憑殷浩寄  
書回到時若見東籬菊爲問經霜幾度開

金谷懷古

淒涼遺跡洛川東浮世榮枯萬古同桃李香消金谷  
在綺羅魂斷玉樓空往年人事傷心外今日風光屬  
夢中徒想夜泉流客恨夜泉流恨恨無窮

南樓夜

玉管金樽夜不休如悲晝短惜年流歌聲裊裊徹清  
夜月色娟娟當翠樓枕上暗驚垂釣夢燈前偏起別  
家愁思量今日英雄事身到簪裾已白頭

行經廬山東林寺

續集

十四

離魂斷續楚江壖葉墜初紅十月天紫陌事多艱暫  
息青山長在好閑眠方趨上國期干祿未得空堂學  
坐禪他歲若教如范蠡也應須入五湖煙

途中逢故人話西山讀書早曾遊覽

西岩曾到讀書堂穿竹行莎十里強湖上夢餘波灩  
灩嶺頭愁斷路茫茫經過事寄煙霞遠名利塵隨日  
月長莫道少年頭不白君看潘岳幾莖霜

將赴京題陵陽王氏水居

簾捲平蕪接遠天暫寬行役到樽前是非境裏有閑  
日榮辱塵中無了年山簇暮雲千野雨江分秋水九  
條煙馬蹄不道貪西去爭向一聲高樹蟬

向字恐誤

冬日五浪館水亭懷別

蘆荻花多觸處飛獨凭虛檻雨微微寒林葉落鳥巢  
出古渡浪高漁艇稀雲抱四山終日在草荒三徑幾  
時歸江城向暝東風急一半鄉愁聞擣衣

送別

溪邊楊柳色參差攀折年年贈別離一片風帆望已  
極三湘煙水返何時多緣去掉將愁遠猶倚危樓欲  
下遲莫殢酒杯閑過日碧雲深處是經期

寄遠

兩葉愁眉愁不開獨含惆悵上層臺碧雲空斷雁行  
處紅葉已凋人未來塞外音書無信息道傍車馬起  
塵埃功名待寄凌煙閣力盡遼城不肯回

新柳

續集

五

無力搖風曉色新細腰爭妬看來頻綠陰  
水金穗先迎上苑春幾處傷心懷遠路一枝和雨送  
行塵東門門外多離別愁殺朝朝暮暮人

長堤

旅懷作

促促因吟書短詩朝驚穠色暮空枝無情春色不長  
久有限年光多盛衰往事只應隨夢裏勞生何處是  
閑時眼前擾擾日一日暗送白頭人不知

雁

萬里嶮蘆別故鄉雲飛水宿向瀟湘數聲孤枕堪垂  
淚幾處高樓欲斷腸度日翩翩斜避影臨風一一直  
成行年年辛苦來衡岳羽翼摧殘隴塞霜

出關

朝纓初解佐江濱麋鹿心知自有羣漢圍獵稀慵獻  
賦楚山耕早任移文卧歸漁浦月連海行望鳳城花  
隔雲關吏不須迎馬笑去時無意學終軍

七言絕句

四首

蟬

噪柳鳴槐晚未休不知何事愛悲秋朱門大有長吟  
處剛傍愁人又送愁

紫藤

綠蔓濃陰紫袖低客來留在小堂西醉中掩瑟無人  
會家近江南罨畫溪

越中

石城花暖鷓鴣飛征客春帆秋不歸猶自保郎心似  
石綾梭夜夜織寒衣

續補終

十六

送楊發東歸

紅花半落燕子飛同客長安今獨歸一紙鄉書報兄  
弟還家羞著別時衣

重別曾主簿

時諸妓同餞

淚泫紅粉濕羅巾重繫蘭舟勸酒頻留卻一枝河畔  
柳明朝猶有遠行人



增廣唐許郢州刺史丁卯集續補終

續集





圖書在版編目(CIP)數據

增廣音註唐郢州刺史丁卯詩集/[唐]許渾撰;〔元〕祝德  
子訂正. —北京:北京圖書館出版社,2005.6

(中華再造善本)

ISBN 7-5013-2851-X

I. 增… II. ①許…②祝… III. 唐詩—選集 IV. I222.742

中國版本圖書館CIP數據核字(2005)第047255號

ISBN 7-5013-2851-X



9 787501 328512 >

書名 增廣音註唐郢州刺史丁卯詩集(全四冊)  
著者 〔唐〕許渾 撰 〔元〕祝德子 訂正

出版 北京圖書館出版社(100034 北京市西城區文津街七號)

Tel:(010)66151313 Fax:(010)66174391

E-mail: Btstxb@nlc.gov.cn

Website: www.nlcpress.com

造紙 華寶齋

印刷 杭州富陽古籍印刷廠

開本 八

印張 三〇·二五

版次 二〇〇五年六月第一版第一次印刷

印數 一—二〇〇〇

書號 ISBN 7-5013-2851-X/K·1102  
定價 九七〇圓

